



PERDANA  
LEADERSHIP  
FOUNDATION  
YAYASAN  
KEPIMPINAN  
PERDANA

PERDANA LIBRARY  
PERDANA LEADERSHIP FOUNDATION  
NEWSPAPER CLIPPING

Newspaper	Berita Harian
Date	7/2/2013

© KHAMIS 7 FEBRUARI 2013

**BH**

# 'PAS takut keluar pakatan'

» Parti diramal kalah teruk PRU-13 jika tinggalkan DAP, PKR

Oleh Mohd Azrone Sarabatin dan Mohd Nasaruddin Parzi  
bhnews@bharian.com.my

► Kuala Lumpur

**P**AS tidak akan berani keluar daripada pakatan pembangkang kerana lebih menumpukan usaha menawan Putrajaya demi kelangsungan politiknya daripada berjuang ke arah perpaduan Melayu dan Islam.

Bekas Perdana Menteri, Tun Dr Mahathir Mohamad, berkata jika PAS tidak lagi bekerjasama dengan DAP dan PKR khususnya menjelang Pilihan Raya Umum Ke-13 (PRU-13), parti itu akan kalah teruk.

"Saya ingat PAS tak berani keluar (pakatan), pasal dia pun bergantung pada DAP. Dia (PAS) keluar, dia kalah. PAS akan kekal dengan DAP, pasal dia cukup sayang dengan Karpal (Singh). Hari jadi Karpal pun dia (Mursyidul Am PAS, Datuk Nik Aziz Nik Mat) sambut.

"PAS kata Nasharudin (bekas Timbalan Presiden PAS,



Dr Mahathir melancarkan buku **Antartica: Malaysia's Journey To The Ice** sambil diperhati Pengarah Pusat Penyelidikan Antartika Kebangsaan, Prof Datuk Dr Azizan Abu Samah.

[FOTO EFFENDY RASHID/BH]

BH - 7/2/2013

Nasharudin Mat Isa) dah bercerai (daripada parti), tapi dia (PAS) dan terus kekal dengan Karpal," katanya mengulas desakan Nasharudin supaya PAS bergerak bersendirian bersandarkan kekuatannya jika ingin terus kekal relevan sebagai parti memperjuangkan Islam.

Ketika ditemui selepas melancarkan buku *Antartica: Malaysia's Journey To The Ice* di Universiti Malaya, di sini semalam, Dr Mahathir turut menegaskan, tidak pernah ada penipuan dalam proses pilihan raya di Malaysia kerana jika itu berlaku, kerajaan yang dibentuk selepas itu pasti

mencatatkan kemenangan 99 peratus.

### Menang lima negeri

"Tidak ada apa mahu disembunyikan, tengoklah di negara yang mana ada penipuan, biasanya parti kerajaan dapat 99 peratus. Di Malaysia tak pernah berlaku, parti lawan tetap menang. Pada 2008, dia (pembangkang) menang lima negeri dan satu wilayah, kerajaan (Pusat) tak dapat dua pertiga," katanya.

Sementara itu, Pensyarah Sains Politik Universiti Islam Antarabangsa Malaysia (UIAM), Dr Tunku Mohar Tun-ku Mohd Mokhtar, berkata se-

hingga kini, tiada petunjuk PAS mahu meninggalkan PKR dan DAP biarpun berlaku pelanggaran beberapa syarat dalam pakatan terbabit yang dijamin berasaskan konsep tahaluf siyasi atau muafakat politik.

Beliau yang percaya pucuk pimpinan PAS berasa peluang parti itu pada PRU-13 lebih cerah jika bersama PKR dan DAP berbanding bergerak bersendirian, berkata berjuang bersama dua sekutu itu adalah strategi politik PAS untuk meraih undi Cina dan India yang mustahil menyebelahi mereka jika bergerak bersendirian.